



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46

Vår dato
21.02.2014
Dykkar dato

Vår referanse
2014/374 433.2
Dykkar referanse

Oddbjørn Helland
Horveisvegen 78
5723 BOLSTADØYRI

Løyve til utsetting av utanlandske treslag til juletreproduksjon

Oddbjørn Helland får løyve til utsetting av 10500 fjelledelgran i perioden 2014-2024 på gnr. 362 bnr. 5 i Voss kommune. Det er knytt vilkår til løyvet.

Vi viser til din søknad om utsetting av 10500 fjelledelgran (*Abies lasiocarpa*) til juletreproduksjon datert 27. desember 2013. Søknaden er vurdert i samarbeid mellom miljøvern- og klimaavdeling og landbruksavdelinga ved Fylkesmannen i Hordaland.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag

Du søker om å sette ut 10500 fjelledelgran (*Abies lasiocarpa*) av proveniens Grassie mountain, med opphav i British Colombia. Løyvet skal gjelde i 10 år. I publikasjonen *Fremmede arter – med norsk svarteliste 2012* er fjelledelgran plassert i kategorien *lav risiko*, noko som betyr at den ikkje er dokumentert å ha vesentleg negativ påverknad på norsk naturmangfald. Dette treslaget inngår difor ikkje i svartelista.

Utsettingsområdet

Utsettinga er planlagt på gnr. 362 bnr. 5 i Voss kommune i det som allereie er eit etablert juletrefelt. Du søkte om utsetting av 600 fjelledelgran innanfor det same arealet 7. januar 2013 og fekk løyve til dette. Denne gangen søker du om eit fleirårig løyve som skal gjelde heile utsettingsområdet på 22 daa. Området er tidlegare fulldyrka mark som er brakklagt og som no er nytta til juletreproduksjon. Det er ikkje registrert særskilt sårbar eller verdfull natur på denne eller tilgrensande eigedomar i Naturbase, og det er ikkje registrert funn av raudlista artar i Artskart.

Tiltak mot spreiding og internkontroll

Det er opplyst i søknaden at dei utplanta trea skal ha ei omløpstid på om lag åtte til tolv år. Trea skal hoggast før dei set frø. Så lenge dette vert gjort er det lav risiko for at utsettinga vil ha vesentleg negativ påverknad på stadeige naturmangfald. Det er ein føresetnad for løyvet at tiltakshavar etablerer rutinar for å sikre hogst før frøsetting.

Vurdering

Ut frå det vi finn av informasjon i Naturbase og Artskart er det ikkje grunn til å anta at særskilt sårbare eller verdfulle artar eller naturtypar vil bli negativt påverka av tiltaket. Det aktuelle treslaget er ikkje svartelista. Vår vurdering er at saka er godt nok opplyst til å fatte eit vedtak, jamfør kravet til kunnskapsgrunnlaget og føre-var-prinsippet i naturmangfaldlova §§ 8 og 9.

Utsettinga skal skje i eit eksisterande plantefelt for juletre, med ei lita utviding i nord. Utvidinga skal skje på brakklagt, fulldyrka mark. Vår vurdering etter § 10 i naturmangfaldlova, om økosystemtilnærming og samla belastning, er at utplantinga i liten grad vil auke påverknaden på stadeige naturmangfald utover det som er tilfelle i dag.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Oddbjørn Helland får løyve til utsetting av utanlandske treslag til juletreproduksjon på følgjande vilkår:

- Løyvet gjeld for det avteikna området i kartvedlegget.
- Løyvet gjeld for totalt 10500 tre av treslaget fjelleedelgran, *Abies lasiocarpa*.
- Løyvet gjeld for perioden 2014-2024.
- Trea må hoggast før dei set frø.
- Rutinar for å sikre hogst før frøsetting må verte etablerte.
- Det må førast logg over produksjonen der tal på tre, treslag og årstal for planting kjem fram.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

NB!

Eit løyve gitt i medhald av forskrift om utsetting av utanlandske treslag til skogbruksføremål gir ikkje automatisk omdisponering til skogproduksjon. Ved spørsmål om omdisponering kan du kontakte kommunen.

Klagerett

Du kan klage på vedtaket innan tre veker, jf. forvaltningslova §§ 28 og 29. Klaga skal stilast til Miljødirektoratet, men sendast til Fylkesmannen i Hordaland, jf. forvaltningslova § 32.

Med helsing

Olav Overvoll e.f.
Seniorrådgjevar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Miljødirektoratet
SABIMA
WWF

Postboks 5672 Sluppen 7485 TRONDHEIM